

## Enhavtabelo

Malfermo	1
Enhavtabelo	2
Kursoj	2
Amo kaj Malamo	2
Esperanto Sumoo	3
UEA	3
TEJO	3
Leteroj de niaj legantoj	4
Granda Ŝanco	4
BEL - Konferencoj 2019	5
Eo "Nemateria kultura heredaĵo" en Slovakio	5
Rabindranath Tagore	6
Tempo Sigelita	7
EDIPO (ΟΙΔΙΠΟΥΣ)	8
Tribalismo	10
Kun Amo en la Koro	11
Du mikrorakontoj	11
Prof. Dr. Ilber Ortajlo kaj albanoj	12
Malkovri poetojn nekonatajn	13
Malriĉulo kaj avidulo	14
La frenezulo kaj la paco	15
Vivsezonoj	15
Historioj pri s-ro Kojno (p.2) - Berto Breĥt	18
Ŝercoj	18
Kurcvortenigmo	18
Mallonga Historio de Filozofio (41)	19
Fiŝ-supro de Damieno	20
El la libro de "Dao de Jing" (33)	20
La Aŭtunaj Muŝoj (parto 13)	21
Bildoj el la historio de la Esperanta Literaturo	22
Ĉu homaro vojaĝos inter la steloj?	23
Libroj estas	23
La lasta Tago	24
Kiel mi fariĝis E-isto?	25
Tra tempo kaj spaco	26
Ni ne subtaksu Esperanton!	27
Rakonto pri Petro	28
Kavo	28
Mia renkontiĝo kun Andreo Cseh	29
La skandalo en 1934?	30
Ni Lernu Esperanton!	31
Facilaj rakontoj	32


## Kursoj



Finiĝis la kurso de Esperanto en la lernejo Ŭskŭdar Amerikan Lisesi en Istanbul. En la somero ne okazos aliaj kursoj.

## Amo kaj Malamo

Mi finlegis la tuton de "Amo kaj malamo", la nova libro de Julian Modest, dum preksaŭ 6 horoj. Ĝi estas unu el la serio de detektivaj romanoj pri komisaro Kalojan Stefan. La romano estas alloga ĉar la lingvo fluas kaj la rakonto estas sufiĉe bona, do, ke ĝi ne forlasigas la libron el la mano de la leganto. En la romano la detektivo provas solvi la misteron de du murdoj kaj la sinsekvo de la okazaĵoj estas sufiĉe bone fikciigitaj.



La leganto povas malkovri kiu estas la murdisto se li legas la romanon sufiĉe atenteme kaj rimarkas malgrandan punkton en paĝo ... Ne! mi ne diros tion al vi, trovu ĝin mem aŭ legu la tutan libron ĝisfine. Same en la romano "Gerda Malaperis" de Claude Piron se vi ĝin ankaŭ legis. Mi ankaŭ preskaŭ estis preteratentanta tiun punkton.

Mi kutime havas malfacilaĵon koncentriĝi sur rakontoj, ne nur en Esperanto lingvo sed ankaŭ en aliaj lingvoj kiujn mi scipovas, ekzemple turkaj, grekaj kaj anglaj romanoj pro ilia nekutima vortelektado, vortordo, rakontado ktp. Tamen mi sufiĉe bone konas la verkstilon de Julian Modest. Ĝi estas simpla, tre flua kaj glata kaj liaj libroj estas valoraj ĉefe por progresantoj, kiuj volas plibonigi siajn lingvokapablojn senpene provante malkovri la sencon de la frazoj.

Mi stronge rekomendas la libron de Julian Modest "Amo kaj Malamo", kaj ne nur, al ĉiuj kaj ĉefe al progresantoj.

Vi povas aĉeti la libron el: <https://www.lulu.com/shop/search.ep?keyWords=Amo+kaj+malamo&type=> aŭ el <https://katalogo.uea.org/katalogo.php?inf=9704>

recenzis **Vasil Kadifeli** el Turkujo

## Ni atendas leterojn el niaj geamikoj



### Nia revueto atendas leterojn el niaj geamikoj!

Ni invitas ĉiujn geamikojn, ambaŭ turkoj kaj fremduloj, skribi kaj sendi al ni siajn opiniojn pri nia revueto, pri Esperanto kaj pri aliaj aferoj kiel memoroj, reĉenzoj de libroj jam legitaj, vojaĝoj, kongresoj, ŝercoj ktp. Ni aperigos ilin en nia revueto. Bonvolu aldoni vian nomon, aĝon, urbon kaj landon. Nia kontakt-adreso estas: [vasilkadifeli@gmail.com](mailto:vasilkadifeli@gmail.com)

*La redaktanto ne respondecas pri la subskribitaj aŭ republikigitaj artikoloj.*